



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎ

ՁԵՌՆԱՐԿ ԸՆՏՐՈՂՆԵՐԻ ԳՐԱՆՑՈՒՄՆ ԻՐԱԿԱՆԱՑՆՈՂ ՏԵԽՆԻԿԱԿԱՆ ՍԱՐՔԱՎՈՐՈՒՄԸ ՍՊԱՍԱՐԿՈՂ ՄԱՍՆԱԳԵՏՆԵՐԻ ՀԱՄԱՐ

Սույն ձեռնարկը կազմվել է «Հայաստանի Հանրապետության ընտրական օրենսգիրք» սահմանադրական օրենքի և Կենտրոնական ընտրական հանձնաժողովի որոշումների հիման վրա, սակայն այն չի կարող համարվել «Հայաստանի Հանրապետության ընտրական օրենսգիրք» սահմանադրական օրենքին և Կենտրոնական ընտրական հանձնաժողովի որոշումներին փոխարինող փաստաթուղթ:



ՆԵՐԱԾՈՒԹՅՈՒՆ

Ո՛Վ ՈՒՆԻ ԸՆՏՐԵԼՈՒ ԻՐԱՎՈՒՆՔ

Տեղական ինքնակառավարման մարմինների ընտրությունների ժամանակ ընտրելու իրավունք ունեն քվեարկության օրը **18 տարին լրացած՝** ընտրությունն անցկացվող համայնքի բնակչության ռեզիստում՝

- ➔ մինչև քվեարկության օրն առնվազն 6 ամսվա հաշվառում ունեցող Հայաստանի Հանրապետության քաղաքացիները:
 - ➔ մինչև քվեարկության օրն առնվազն վեց ամսվա հաշվառում չունեցող Հայաստանի Հանրապետության այն քաղաքացիները, որոնք համայնքում հաշվառվել են պարտադիր ժամկետային զինվորական ծառայությունից զորացրվելու կամ ազատազրկման ձևով պատիժը կրելուց ազատվելու հանգամանքներով պայմանավորված:
 - ➔ մինչև քվեարկության օրն առնվազն մեկ տարվա հաշվառում ունեցող՝ Հայաստանի Հանրապետության քաղաքացիություն չունեցող անձինք (այսուհետ՝ քաղաքացիություն չունեցող ընտրող):
- ❗ Համայնքի ընտրողների ցուցակում ընդգրկվում են համապատասխան ընտրության ժամանակ ընտրելու իրավունք ունեցող անձինք, որոնք քվեարկության օրվան նախորդող 6 ամսվա ընթացքում ունեցել են անձը հաստատող վավեր փաստաթուղթ:

ԸՆՏՐՈՂՆԵՐԻ ՑՈՒՑԱԿՆԵՐ

Ընտրողների գրանցումն իրականացնող տեխնիկական սարքավորման (այսուհետև՝ տեխնիկական սարքավորում) միջոցով, տեղական ինքնակառավարման մարմինների ընտրություններում ընտրողների գրանցումը կիրականացվի միայն **ՀԵՏԵՎՅԱԼ ՑՈՒՑԱԿՆԵՐՈՒՄ** ընդգրկված ընտրողների պարագայում՝

- ✓ **ընտրական տեղամասի ընտրողների ցուցակ,**
- ✓ **քվեարկության օրը տեղամասային ընտրական հանձնաժողովի կողմից կազմվող ընտրողների լրացուցիչ ցուցակ:**

Քվեարկության ժամեր

Քվեարկությունն անցկացվում է ժամը 8.00-ից մինչև 20.00-ն: Ժամը 20.00-ին քվեարկության սենյակում գտնվող, բայց դեռևս չքվեարկած ընտրողներն ունեն քվեարկելու իրավունք:

Քվեարկության օրը մասնագետները պետք է ներկայանան տեղամասային կենտրոն ժամը **7:00-ին՝** նախապատրաստական աշխատանքների կատարման նպատակով:

Մասնագետները հանդես են գալիս որպես Կենտրոնական ընտրական հանձնաժողովի (ԿԸՀ) ներկայացուցիչներ և պարտավոր են լինել անկողմնակալ ու չեզոք:

❗ **Քվեարկության օրը տեխնիկական սարքավորումը սպասարկելուց հրաժարվելու, իր լիազորությունները չկատարելու կամ ոչ պատշաճ կատարելու դեպքում մասնագետի նկատմամբ որպես վարչական պատասխանատվության միջոց կիրառվում է Վարչական իրավախախտումների վերաբերյալ Հայաստանի Հանրապետության օրենսգրքի 40.13-րդ հոդվածով սահմանված տուգանքը՝ նվազագույն աշխատավարձի հարյուրապատիկից մինչև երեքհարյուրապատիկի չափով:**

Մասնագետի գործողությունների հաջորդականություն

- ☐ Տեղամասային կենտրոնում տեղամասային ընտրական հանձնաժողովի նախագահից ստանալ տեխնիկական սարքավորման ճամպրումը և ըստ ստացականի մյուս պարագաները:
- ☐ Տեղադրել տեխնիկական սարքավորումը (սարքավորումները) քվեարկության սենյակում այդ նպատակով հատկացված սեղանին:
- ☐ Ստուգել ճամպրուկում անհրաժեշտ պարագաների առկայությունը, տեխնիկական սարքավորման և պլաստիկ կապարակների սերիական համարները՝ ըստ ստացականի:
- ☐ Տեղադրել թղթի գլան տեխնիկական սարքավորման տպիչում:



I. Բացել տպիչի կափարիչը՝ սեղմելով տպիչի վերին հատվածում առկա քառակուսի նշանը, այնուհետև համապատասխան «ձայնը» լսելուց հետո՝ զգուշորեն ետ հրել կափարիչը.




II. Տեղադրել թուղթը՝ փայլուն կողմով դեպի ձեգ.

III. Անցկացնել թուղթը տպիչի խցիկի կափարիչի ճեղքով և փակել կափարիչը՝ սեղմելով տպիչի վերին հատվածում առկա քառակուսի նշանը.



IV. Փակել տպիչի կափարիչը՝ սեղմելով տպիչի վերին հատվածում առկա քառակուսի նշանը, մինչև որ կլսեք համապատասխան ձայնը:

- ☐ Միացնել տեխնիկական սարքավորումը հոսանքին՝ օգտագործելով հոսանքի տատանումների պաշտպանող սարքը և տեխնիկական սարքավորման հոսանքի լարը:



- ☐ Միացնել տեխնիկական սարքավորումը՝ սեղմած պահելով անջատիչը (գտնվում է սարքավորման ներքևի աջ անկյունում) այնքան ժամանակ մինչև վառվի անջատիչի լուսային նշանը (ոչ պակաս քան 5 վայրկյան):
- ☐ Մուտք գործել ընտրողների գրանցման ծրագիր՝ սեղմելով տեխնիկական սարքավորման էկրանի վերևի ձախ անկյունում գտնվող «VIU-Client» նարնջագույն նշանը:
- ☐ Ստուգել տեխնիկական սարքավորման **ԺԱՄԸ ԵՎ ԱՄՍԱԹԻՎԸ** (օր, ամիս, տարեթիվ):



Ուշադրություն՝ եթե ամսաթիվը կամ ժամը սխալ է, զանգահարել աջակցման կենտրոն և հետևել հրահանգներին (տե՛ս «Ամսաթվի և ժամի հետ կապված խնդիրներ»):

- ☐ Էկրանին կհայտնվի դատարկ դաշտ, որտեղ պետք է մուտքագրել ստուգման վեցանիշ կոդը:
- ☐ Մուտքագրել ստուգման վեցանիշ կոդը՝ **11111**:
- ☐ Էկրանին կհայտնվի դատարկ դաշտ, որտեղ պետք է մուտքագրել ընտրական տեղամասի համարը:

The screenshot shows a web application interface. At the top, there's a header bar with the text "Ընտրողների գրանցման համակարգ" (Voter Registration System). Below the header, there's a message: "Մուտքագրեք ընտրական տեղամասի համարը" (Enter the electoral district number). Below this message is a numeric keypad with buttons for digits 1-9, 0, and a backspace button. The keypad is arranged in a grid: the first row has 1, 2, 3, and a backspace button; the second row has 4, 5, 6; the third row has 7, 8, 9; and the fourth row has a slash, 0, and a button labeled "Մուտքագրել" (Enter).

- ☐ Մուտքագրել ընտրական տեղամասի համարը (օր.՝ 1/02):
- ☐ Սեղմել «**ՄՈՒՏՔԱԳՐԵԼ**» կոճակը:

✓ Էկրանին պետք է հայտնվեն՝ Ընտրությունների անվանումը, ամսաթիվը, Ընտրական տեղամասի համարը, հասցեն, Ընտրական տեղամասի ընտրողների ցուցակում ընդգրկված ընտրողների ընդհանուր թիվը, Տեղեկատվություն այն մասին, թե արդյոք տվյալ ընտրական տեղամասում քվեարկությունը նախատեսվում է մեկ, թե մեկից ավելի տեխնիկական սարքավորումներով:

! Եթե ընտրական տեղամասի համարը ճիշտ է մուտքագրվել, սակայն էկրանին հայտնված տեղեկությունները չեն համապատասխանում տվյալ ընտրական տեղամասին, ապա մասնագետը պետք է այդ մասին անմիջապես հայտնի տեխնիկական աջակցության կենտրոն:

☐ Եթե էկրանին հայտնված տեղեկությունները ճիշտ են, ապա սեղմել «**ՍՏՈՒԳԵԼ ՏՊԻՉԸ**» կոճակը:

16:33
27.02.2017

Անտոնով

Անտոնովայի շտ

97%

Ընտրողների գրանցման համակարգ

Ազգային ժողովի ընտրություններ

ԸՆՏՐԱԿԱՆ ԱՄՍԱԹԻՎԸ
25/02/2017

ԸՆՏՐԱԿԱՆ ՏԵՂԱՄԱՍԻ ՀԱՄԱՐԸ
15/02

ԸՆՏՐԱԿԱՆ ՏԵՂԱՄԱՍԻ ՀԱՍՑԻ
ՔԱՂԱՊԵՏԱՐԱՆ

ԸՆՏՐԱԿԱՆ ԳՐԱՆՑՈՒՄ ԸՆԴՀԱՆՈՒՐ ԹԻՎԸ
14

Ընտրական տեղամասում քվեարկությունը
նախատեսվում է մեկ տեխնիկական
սարքավորումով:

Ընտրական տեղամասում նախատեսվում է նաև
գործածվող հաշվարկված ընտրողների
ցուցակով քվեարկություն:



Եթե այս տեղեկությունները չեն համապատասխանում ձեր գիծ և հետևեք իրենց հրահանգներին:
Եթե այս տվյալները ճիշտ են՝ սեղմեք ԱՎԱՐՏԵԼ:

Ստուգել տպիչը


ՏԵԽՆԻԿԱԿԱՆ ՍԱՐՔԱՎՈՐՄԱՆ ՏՊԻՉԻ ՍՏՈՒԳՈՒՄ

ՈՒՇԱԴՐՈՒԹՅՈՒՆ


- ☐ մասնագետը պետք է անցկացնի տպիչի ստուգում:
- ☐ տպիչի ստուգման արդյունքում պետք է տպվի կտրոն «ՏՊԻՉԻ ՍՏՈՒԳՈՒՄԸ ԱՎԱՐՏՎԵԼ Է ԲԱՐԵՀԱՋՈՂ» գրառմամբ:
- ☐ Կտրոնը պարունակում է նաև տեղեկություն տեղամասի համարի, ստուգման ամսաթվի և ժամի վերաբերյալ:
- ☐ Տպիչի ստուգման արդյունքում տպված կտրոնը չպետք է հեռացվի մինչև քվեարկության օրը:
- ☐ Տպիչի ստուգման արդյունքում տպված կտրոնը հեռացնել մինչև գրանցված ընտրողների բացակայությունը հավաստող տեղեկանքի տպելը:
- ☐ Եթե տեխնիկական սարքավորման տպիչի ստուգման արդյունքում նշված կտրոնը չի տպվում ապա մասնագետը պետք է այդ մասին անմիջապես հայտնի տեխնիկական աջակցության կենտրոն:
- ☐ Մասնագետը չի կարող աշխատանքն ավարտել, եթե այդ քայլը չի կատարել:
- ☐ Ծրագիրը հիշեցնում (զգուշացնում) է մասնագետին, որ տպիչը չի ստուգել և արգելում է ավարտել աշխատանքը
- ☐ Եթե էկրանին հայտնված տեղեկությունները ճիշտ են և տպիչի ստուգումն ավարտվել է բարեհաջող, ապա սեղմել «ԱՎԱՐՏԵԼ» կոճակը:



- ☐ Տեխնիկական սարքավորման տվյալների և տպիչի ստուգումից հետո մասնագետը **ՊԱՐՏԱՎՈՐ Է**.
- ☐ Սեղմել էկրանի վերևի աջ անկյունում գտնվող բացվող ցանկի կոճակը:




- ☐ Ընտրել **«ԵԼՔ»** տարբերակը:
- ☐ Սեղմել **«ԱՅՈՒ»** հաստատելու համար գործողությունը:
- ☐ Սեղմած պահել սարքավորման անջատիչը (ոչ պակաս քան 5 վայրկյան) մինչև կհայտնվի էկրան՝ **«ԱՆՋԱՏԵԼ»** և **«REBOOT»** կոճակներով:
- ☐ Սեղմել **«ԱՆՋԱՏԵԼ»** կոճակը:




ՄԵԿԻՑ ԱՎԵԼԻ ՏԵԽՆԻԿԱԿԱՆ ՍԱՐՔԱՎՈՐՈՒՄ ՈՒՆԵՑՈՂ ԸՆՏՐԱԿԱՆ ՏԵՂԱՄԱՍ

- ☐ Տեղադրել տեխնիկական սարքավորումները:
- ☐ Տեղադրել մեկական թղթի գլան յուրաքանչյուր տեխնիկական սարքավորման մեջ:
- ☐ Միացնել տեխնիկական սարքավորումները հոսանքին՝ հոսանքի տատանումներից պաշտպանող սարքերի և տեխնիկական սարքավորումների հոսանքի լարերի միջոցով (անհրաժեշտության դեպքում՝ կարող են օգտագործվել երկարացման լարեր):
- ☐ Միացնել տեխնիկական սարքավորումները ռաուտերին՝ օգտագործելով ցանցային լարերը:



- ☐ Միացնել UPS-ի հոսանքի լարը վարդակին (անհրաժեշտության դեպքում՝ կարող է օգտագործվել երկարացման լար):



- ☐ Միացնել UPS-ը՝ սեղմելով անջատիչը մինչև լսվի համապատասխան ձայնային ազդանշանը:
- ☐ Միացնել ռաուտերը՝ սեղմելով անջատիչը մինչև վառվեն լուսային ազդանշանները:
- ☐ Միացնել տեխնիկական սարքավորումը՝ սեղմած պահելով անջատիչը (գտնվում է սարքավորման ներքևի աջ անկյունում) այնքան ժամանակ մինչև վառվի անջատիչի լուսային նշանը (ոչ պակաս քան 5 վայրկյան):
- ☐ Մուտք գործել ընտրողների գրանցման ծրագիր՝ սեղմելով տեխնիկական սարքավորման էկրանի վերևի ձախ անկյունում գտնվող «VU-Client» նարնջագույն նշանը:
- ☐ Յուրաքանչյուր սարքավորման էկրանին կհայտնվի դատարկ դաշտ, որտեղ պետք է մուտքագրել ստուգման վեցանիշ կոդը:
- ☐ Մասնագետներից յուրաքանչյուրն իր սարքի համար իրականացնում է տպիչի ստուգում, կատարում է տվյալների ստուգման քայլերը և այնուհետև անջատում է սարքավորումը ըստ ներկայացված քայլերի:

3 ՔՎԵԱՐԿՈՒԹՅԱՆ ՕՐ


Քվեարկության օրը տեղամասային ընտրական հանձնաժողովի նիստն ընտրական տեղամասում սկսվում է ժամը 7:00-ին:

Նախքան քվեարկության մեկնարկը

Մասնագետները պետք է համոզվեն, որ տեխնիկական սարքավորման միջոցով ընտրողների գրանցման համար անհրաժեշտ բոլոր պարագաները, տպիչի ստուգման արդյունքում տպված կտրոնը տեղում են, իսկ կապարակներն՝ անխախտ:

Մասնագետը պարտավոր է.

- ☐ Հեռացնել տպիչի ստուգման արդյունքում տպված կտրոնը:
- ☐ Տեղամասային ընտրական հանձնաժողովի նախագահից ստանալ մասնագետի կողմից պարունակող ծրարը:
- ☐ Միացնել տեխնիկական սարքավորումը:
- ☐ Մուտք գործել ընտրողների գրանցման ծրագիր՝ սեղմելով տեխնիկական սարքավորման էկրանի վերևի ձախ անկյունում գտնվող «VIU-Client» նարնջագույն նշանը:
- ☐ Ստուգել տեխնիկական սարքավորման **ժամը և ամսաթիվը (օր, ամիս, տարեթիվ)**:




- ☐ Էկրանին կհայտնվի դատարկ դաշտ, որտեղ պետք է մուտքագրել ակտիվացման վեցանիշ կոդը:
- ☐ Մուտքագրել ակտիվացման վեցանիշ կոդը՝ **222222**:

- ☐ Էկրանին կհայտնվի դատարկ դաշտ, որտեղ պետք է մուտքագրել ընտրական տեղամասի համարը:


- ☐ Մուտքագրել ընտրական տեղամասի համարը (օր.՝ 1/02):
- ☐ Սեղմել «**ՄՈՒՏՔԱԳՐԵԼ**» կոճակը:
- ✓ Էկրանին պետք է հայտնվեն՝ Ընտրությունների անվանումը, ամսաթիվը, Ընտրական տեղամասի համարը, հասցեն, Ընտրական տեղամասի ընտրողների ցուցակում ընդգրկված ընտրողների ընդհանուր թիվը, Տեղեկատվություն տվյալ ընտրական տեղամասում քվեարկությունը նախատեսվում է մեկ, թե մեկից ավելի տեխնիկական սարքավորումներով:

- ☐ Եթե էկրանին հայտնված տեղեկությունները ճիշտ են, ապա սեղմել «**ԱՅՈ**»:


- ☐ Էկրանին կհայտնվի ծանուցում «Ընտրական տեղամասի ցուցակն ակտիվացված է», սեղմել **«ՇԱՐՈՒՆԱԿԵԼ»**:




- ☐ Տեխնիկական սարքավորման ակտիվացումից հետո՝ Էկրանին կհայտնվի դատարկ դաշտ, որտեղ պետք է մուտքագրել ծրարում առկա մասնագետի վեցանիշ կոդը:



- ☐ Էկրանին կհայտնվի հարց, թե արդյոք մասնագետը ցանկանում է տվյալ պահին տպել գրանցված ընտրողների բացակայությունը հավաստող տեղեկանքը:




- ☐ Սեղմել «ԱՅՈ» կոճակը միայն տեղամասային ընտրական հանձնաժողովի նախագահի հանձնարարությունը ստանալուց հետո:



- ☐ Սպասել մինչև սարքը կտպի գրանցված ընտրողների բացակայությունը հավաստող տեղեկանքը:
- ☐ Հանձնել տեղեկանքը հանձնաժողովի նախագահին:

- ☐ Սեղմել «ՍԿՍԵԼ ԸՆՏՐՈՂՆԵՐԻ ԳՐԱՆՑՈՒՄԸ» կոճակը:



Գրանցված ընտրողների բացակայությունը հավաստող տեղեկանքում ներառվում է հետևյալը.

- ☐ Ընտրությունների անվանումը, ամսաթիվը:
- ☐ Ընտրական տեղամասի համարը:
- ☐ Ընտրական տեղամասի ընտրողների ցուցակում ընդգրկվածների թիվը:
- ☐ Տեխնիկական սարքով գրանցված ընտրողների թիվը (նախքան քվեարկության բացումն այս թիվը պետք է լինի զրոյական):
- ☐ Տեղեկանքի տպման ժամը:
- ☐ Տեխնիկական սարքավորման համարը:

ԱԶԳԱՅԻՆ ԺՈՂՈՎԻ ԸՆՏՐՈՒԹՅՈՒՆՆԵՐ
02/04/2017
 Գրանցված ընտրողների
 բացակայությունը հավաստող
 տեղեկանք

Ընտրական տեղամաս:	20/02
Ընտրողների ցուցակում ընդգրկվածների թիվը	1578
Տեխնիկական սարքով գրանցված ընտրողների թիվը	0
Տեղեկանքը տպված է 15:06:32	
Սարք	VAD1

ԸՆՏՐՈՂՆԵՐԻ ԳՐԱՆՑՄԱՆ ՔԱՅԼԵՐ

- ! Մասնագետը չի ստուգում ներկայացված փաստաթղթի վավերականության ժամկետը, քանի որ դա արվում է տեխնիկական սարքավորման միջոցով:
- ! Ընտրությունների ժամանակ դիվանագիտական անձնագրերը չեն ընդունվում որպես անձը հաստատող փաստաթղթեր:


Ընտրողների յուրաքանչյուր ցուցակով գրանցումն իրականացվում է տարբեր կերպ:

Ընտրական տեղամասի ընտրողների ցուցակում ընդգրկված ընտրողը **պետք է մասնագետին ներկայացնի անձը հաստատող փաստաթուղթ:**

Տեղական ինքնակառավարման մարմինների ընտրությունների ժամանակ ԱՆՁԸ ՀԱՍՏԱՏՈՂ ՓԱՍՏԱԹՂԹԵՐՆ ԵՆ՝

- ✓ ՀՀ անձնագիրը,
- ✓ ՀՀ նույնականացման քարտը (ID քարտ),
- ✓ ՀՀ կենսաչափական (բիոմետրիկ) անձնագիրը,
- ✓ ՀՀ անձնագրին կամ նույնականացման քարտին փոխարինող ժամանակավոր փաստաթուղթը (9-րդ ձև)՝ տրված ոստիկանության կողմից,
- ✓ ՀՀ ժամանակավոր կացության քարտը,
- ✓ ՀՀ մշտական կացության քարտը,
- ✓ ՀՀ հափուկ անձնագիրը,
- ✓ ՀՀ կացության վկայականը,
- ✓ ՀՀ կոնվենցիոն ճամփորդական փաստաթուղթը,
- ✓ Ռուսաստանի Դաշնության անձնագիրը՝ տվյալ համայնքի բնակչության պետական ռեգիստրում հաշվառման վերաբերյալ նշումով:

Ընտրական տեղամասի ընտրողների ցուցակում ընդգրկված ընտրողներին գրանցելու համար մասնագետը պետք է համոզվի, որ ակտիվացած է «Ընտրողների ցուցակ» կոճակը:



Ինքնության ստուգում

Մասնագետը պարտավոր է.

- ☐ Ընտրողից ստանալ անձը հաստատող փաստաթուղթը (միայն բնօրինակը):
 - ☐ Ընտրողի ինքնությունը ստուգելու համար, պահանջել, որ ընտրողը մի պահ իջեցնի դիմակը:
 - ☐ Ստուգել, թե արդյոք անձը հաստատող փաստաթղթի լուսանկարը համապատասխանում է ընտրողին:
- !** Եթե ընտրողը ներկայացրել է մեկ այլ անձի փաստաթուղթ, ապա մասնագետը պարտավոր է տեղեկացնել հանձնաժողովի նախագահին և հանձնել նրան ընտրողի ներկայացրած փաստաթուղթը: Հանձնաժողովի նախագահը պարտավոր է հրավիրել ոստիկանության աշխատակիցների, ովքեր կձեռնարկեն օրենքով նախատեսված միջոցներ:

- ☐ **Կանաչ նշան՝** ընտրողն ընդգրկված է տվյալ ընտրական տեղամասի ընտրողների ցուցակում և կարող է գրանցվել:
- ✓ Կանաչ նշանի դեպքում էկրանին հայտնվում են ընտրողի անունը, ազգանունը, լուսանկարը (էլեկտրոնային շտեմարանում դրա առկայության դեպքում), անձը հաստատող փաստաթղթի համարը և ընտրողների ցուցակում նրա հերթական համարը:

01:39
26.02.2017

Օպերատոր 15/02 Գրանցում 100%

× ԶԵՆԱՐԿԵԼ

Մատնահետքերի ներմուծում

Աջ Ձեռք Ձախ Ձեռք


ԱՆՈՒՆ
ՀԵՐՄԻՆԵ
ԱԶԳԱՆՈՒՆ
ԴԱՅԲՈՎԱ
ՓԱՍՏԱԹՂԹԻ ՀԱՄԱՐԸ
007556293
ՑՈՒՑԱԿՈՒՄ ՀԱՄԱՐԸ
1

ԲԱՑԱԿԱՅՈՒՄ Է
ԱՆՇԹԵՆՆԵԼԻ

☐ **Դեղին նշան՝** ընտրողի կարգավիճակը հետևյալից որևէ մեկն է.

- 1) ընտրողն ընդգրկված չէ տվյալ ընտրական տեղամասի ընտրողների ցուցակում և սարքավորմանը **ՀԱՅՏՆԻ Է**, թե որ ընտրական տեղամասի ընտրող է,
- 2) ընտրողն ընդգրկված չէ տվյալ ընտրական տեղամասի ընտրողների ցուցակում և սարքավորմանը **ՀԱՅՏՆԻ ՉԷ**, թե որ ընտրական տեղամասի ընտրող է,
- 3) ընտրողը ներկայացրել է անձը հաստատող ժամկետանց փաստաթուղթ, մինչդեռ ունի մեկ այլ՝ վավերական փաստաթուղթ:


✓ **Էկրանին հայտնված դեղին նշանը մեկ այլ ընտրական տեղամասի համարի և հասցեի հետ մեկտեղ,** նշանակում է, որ ընտրողն ընդգրկված չէ տվյալ ընտրական տեղամասի ընտրողների ցուցակում և սարքավորմանը հայտնի է, թե որ ընտրական տեղամասի ընտրող է:



Այս դեպքում մասնագետը.

- Վերադարձնում է անձը հաստատող փաստաթուղթն ընտրողին և հայտնում այն ընտրական տեղամասի համարը և հասցեն, որտեղ նա ընդգրկված է:
- Սեղմում է «**ՀԱՐՈՒՆԱԿԵԼ**» կոճակը հաջորդ ընտրողի գրանցման գործընթացը սկսելու համար:


☐ **Էկրանին հայտնված դեղին նշանը ներմուծված փաստաթղթի համարի «օրինակ՝ AP0550045 և փաստաթղթի համարով ընտրող ցուցակում չկա» ծանուցման հետ մեկտեղ** նշանակում է, որ ընտրողը ընդգրկված չէ տվյալ ընտրական տեղամասի ընտրողների ցուցակում և սարքավորմանը **ՀԱՅՏՆԻ ՉԷ**, թե որ ընտրական տեղամասի ընտրող է:



Այս դեպքում մասնագետը պարտավոր է.

- Տեղեկացնել ընտրողին, որ նա ընդգրկված չէ տվյալ ընտրական տեղամասի ընտրողների ցուցակում:
- Վերադարձնել անձը հաստատող փաստաթուղթն ընտրողին:
- Սեղմել «**ՇԱՐՈՒՆԱԿԵԼ**» կոճակը հաջորդ ընտրողի գրանցման գործընթացը սկսելու համար:

- ☐ Էկրանին հայտնված դեղին նշանը հետևյալ ծանուցման հետ մեկտեղ «Ընտրողը չի կարող գրանցվել այս փաստաթղթով, քանի որ դրա վավերականության ժամկետը լրացել է և նա ունի այլ՝ վավերականության ժամկետը չլրացած, անձը հաստատող փաստաթուղթ», նշանակում է, որ ընտրողը ներկայացրել է ժամկետանց անձը հաստատող փաստաթուղթ, մինչդեռ ունի մեկ այլ վավերական փաստաթուղթ:



Այս դեպքում մասնագետը պարտավոր է.

- Տեղեկացնել ընտրողին, որ ներկայացրած փաստաթուղթը ժամկետանց է և նա ունի այլ վավերական փաստաթուղթ: Հարցնել ընտրողին, թե արդյոք այդ փաստաթուղթն իր մոտ է:
- Եթե այո, ապա մասնագետը սեղմում է «**ՇԱՐՈՒՆԱԿԵԼ**» կոճակը գլխավոր էջ վերադառնալու համար և կրկին սկսում գրանցման գործընթացը՝ ներմուծելով ներկայացրած վավերական փաստաթուղթը տեխնիկական սարքավորման մեջ:
- Եթե ոչ, ապա հայտնել ընտրողին, որ քվեարկելու իր իրավունքն իրացնելու հնարավորություն ստանալու համար նա պետք է ներկայացնի վավերական փաստաթուղթ:
- Վերադարձնում է անձը հաստատող փաստաթուղթն ընտրողին:
- Սեղմում է «**ՇԱՐՈՒՆԱԿԵԼ**» կոճակը հաջորդ ընտրողի գրանցման գործընթացը սկսելու համար:

Կարմիր նշան՝ ընտրողն արդեն գրանցված է եղել:

- ☐ Եթե կարմիր նշան է հայտնվում, ապա ընտրողի անունը, ազգանունը, լուսանկարը (էլեկտրոնային շտեմարանում դրա առկայության դեպքում), անձը հաստատող փաստաթղթի համարը, ընտրական տեղամասի ընտրողների ցուցակում հերթական համարը հայտնվում են էկրանի վրա «**ԿԿԿԿԿԿ ԳՐԱՆՑՄԱՆ ՓՈՐՁ**» ծանուցման հետ մեկտեղ, ինչպես նաև էկրանին հայտնվում է այն փաստաթղթի համարը, որով անձն արդեն գրանցված է եղել տվյալ տեղամասում և գրանցման ամսաթիվն ու ժամը: **Ուշադրություն՝** կարմիր նշանի դեպքում տեխնիկական սարքավորման վրա միանում է ծայնային ազդանշան:

The screenshot shows a web interface for a voting system. On the left, there is a profile card for a voter named **ԵԼԵՆԱ ՄԱՆՈՒԿՅԱՆ** with ID **00111673**. Below the profile is a red banner with a white 'X' icon and the text **ԿԿԿԿԿԿ ԳՐԱՆՑՄԱՆ ՓՈՐՁ**. On the right, there is a confirmation message: **Անձն արդեն գրանցված է եղել այս տեղամասում հետևյալ փաստաթղթի համարով 00111673**, along with the date and time **26/02/2017 01:41** and a button labeled **ՇԱՐՈՒՆԱԿԵԼ**.

Եթե էկրանին հայտնվում է կարմիր նշան, ապա մասնագետը պարտավոր է.

- Սեղմել «**ՇԱՐՈՒՆԱԿԵԼ**» կոճակը:
- Սպասել մինչև սարքավորումը կտալի կրկնակի գրանցման փորձի տեղեկանք, որը ներառում է.
 - Ընտրությունների անվանումը, ամսաթիվը:
 - Կտրոնի տպման ժամը:
 - Ընտրական տեղամասի համարը:
 - Ընտրական տեղամասի ընտրողների ցուցակում ընտրողի հերթական համարը:
 - Ընտրողի անունը, ազգանունը:
 - Կրկնակի գրանցման փորձի ժամանակ ներմուծված փաստաթղթի համարը:
 - Այն փաստաթղթի համարը, որով ընտրողն արդեն գրանցված է եղել տվյալ ընտրական տեղամասում:
 - Առաջին գրանցման ամսաթիվն ու ժամը:

The screenshot shows a web interface for a voting system. At the top, it says **ԱԶԳԱՅԻՆ ԺՈՂՈՎԻՆՑՏՐՈՒԹՅՈՒՆՆԵՐ**. Below that is the title **ԿԿԿԿԿԿ ԳՐԱՆՑՄԱՆ ՓՈՐՁ**. The date and time are **20/01 02/04/2017 15:06:32**. The main text says **Ընտրողների ցուցակում հերթական համարը 323**. Below that, it says **Անուն ԱՆՈՒՇ Ազգանուն ՍՈՒՐԵՆՅԱՆ**. The ID is **Փաստաթուղթ: AP0550041**. At the bottom, it says **Անձը արդեն գրանցված է եղել այս տեղամասում հետևյալ փաստաթղթի համարով: AA321456** and **Գրանցման ժամը 02/04/2017 15:32**.

- Տեղեկացնել տեղամասային ընտրական հանձնաժողովի նախագահին: Վերջինս նման դեպքում քվեարկության սենյակ է հրավիրում ոստիկանության ծառայողներին, որոնք ձեռնարկում են օրենքով սահմանված միջոցներ:
- Ընտրողի անձը հաստատող փաստաթուղթը և կրկնակի գրանցման փորձի տեղեկանքը հանձնել միայն ոստիկանության ծառայողին:

! Մինչև ոստիկանության ծառայողի մոտենալը մասնագետը շարունակում է գրանցման գործընթացը:

Տեխնիկական սարքավորման մեջ տվյալների մուտքագրում ստեղծաշարով

Ընտրական տեղամասի ընտրողների ցուցակում ընդգրկված ընտրողների պարագայում գոյություն ունի **երկու դեպք**, երբ մասնագետից կարող է պահանջվել անձը հաստատող փաստաթուղթը սարքավորման մեջ ներմուծելու փոխարեն՝ համապատասխան տվյալները մուտքագրել ստեղծաշարով (ձեռքով):

Այդ դեպքերը ներկայացված են ստորև.

1. Անձը հաստատող փաստաթղթի մեքենայացված ընթերցման համար նախատեսված գոտու (սարքավորման մեջ ներմուծվող փաստաթղթի մասի) թերության պատճառով փաստաթուղթը սարքավորման մեջ ներմուծելու արդյունքում կարող է չընթերցվել:
2. Ընտրողը կարող է ներկայացնել անձը հաստատող փաստաթուղթ, որը չունի մեքենայացված ընթերցման համար նախատեսված գոտի (անձնագրին կամ նույնականացման քարտին փոխարինող ժամանակավոր փաստաթուղթ (9-րդ ձև), ուստի հնարավոր չէ այն ներմուծել տեխնիկական սարքավորման մեջ:

! Քվեարկության ընթացքում ընդունվում են միայն անձը հաստատող փաստաթղթերի բնօրինակները. արգելվում է ընդունել անձը հաստատող փաստաթղթի ցանկացած պատճեն կամ էլեկտրոնային պատճեն:

! Նույնականացման քարտի համարը մուտքագրելիս լինել ուշադիր՝ մուտքագրել նկարի կողքին նշված համարը և չշփոթել հակառակ կողմում նշված հանրային ծառայությունների համարանիշի հետ, որն ընտրողի գրանցման նպատակով օգտագործվել ՉԻ կարող:

Երկու դեպքում էլ մասնագետը **պարտավոր է**.

- Սեղմել գլխավոր էջի վրա գտնվող ստեղծագծարի նշանի վրա ակտիվացնելու համար ստեղծագծարը:

- Մուտքագրել համապատասխան դաշտում անձը հաստատող փաստաթղթի համարը: Անձնագրին կամ նույնականացման քարտին փոխարինող ժամանակավոր փաստաթղթի (9-րդ ձևի) դեպքում մուտքագրվում է 9-րդ ձևի վրա ձեռագիր նշված համարը:
- Սեղմել «**ՓՆՏՐԵԼ**» կոճակը:
- Եթե մասնագետը սխալ է մուտքագրել անձը հաստատող փաստաթղթի համարը, ապա կարող է սեղմել «**ՉԵՂԱՐԿԵԼ**» կոճակը և կրկին մուտքագրել համարը:
- Այնուհետև կհայտնվի երեք նշաններից (կանաչ, դեղին, կարմիր) որևէ մեկը, և մասնագետը պարտավոր է.
 - Ստուգել, թե արդյոք էկրանին հայտնված տվյալները համապատասխանում են փաստաթղթի տվյալներին:
 - Հետևել վերոնշյալ ընթացակարգերին:


ՄԱՏՆԱՀԵՏՔԻ ԳՐԱՆՑՈՒՄ և ՔՎԵԱՐԿՈՒԹՅԱՆ ԿՏՐՈՆՆԵՐԻ ՏՊՈՒՄ

Կանաչ նշանը հայտնվելուն պես մասնագետը պարտավոր է.

- ☐ Խնդրել ընտրողին դնել իր աջ ձեռքի ցուցամատը մատնահետքերի ընթերցման սկանների վրա՝ մատի բարձիկը դեպի ընթերցման սարքը:



- ☐ Տեխնիկական սարքավորման վրա գտնվող մատնահետքերի սկանների միջոցով ներմուծել ընտրողի մատնահետքը:
- ☐ Եթե տեխնիկական սարքավորումն ընդունում է մատնահետքի ընթերցման արդյունքը, ապա ավտոմատ կերպով տպվում է քվեարկության կտրոն, որում ընդգրկված են հետևյալ տեղեկությունները.
 - ✓ Ընտրությունների անվանումը, ամսաթիվը:
 - ✓ Ընտրական տեղամասի համարը:
 - ✓ Քվեարկության կտրոնի տպման ժամը:
 - ✓ Ընտրական տեղամասի ընտրողների ցուցակում ընտրողի հերթական համարը:
 - ✓ Ընտրողի անունը, ազգանունը:
 - ✓ Անձը հաստատող փաստաթղթի համարը:
 - ✓ Ընտրողի լուսանկարը, եթե այն առկա է տվյալների շտեմարանում:
 - ✓ Տեխնիկական սարքավորման համարը և քվեարկության կտրոնի հերթական համարը տվյալ տեխնիկական սարքավորումում:

ՄԶԳՍՅԻՆ ԺՈՂՈՎԻ ԸՆՏՐՈՒԹՅՈՒՆՆԵՐ		
20/01	02/04/2017	15:06:32
Ընտրողների ցուցակում հերթական համարը		323
Անուն	ԱՆՈՒՇ	
Ազգանուն	ՍՈՒՐԵՆՅԱՆ	
		
Փաստաթուղթ	AP0550041	
Կտրոն	VAD1-7	

- ! Եթե տեխնիկական սարքավորումը չի ընդունում մատնահետքի ընթերցման արդյունքը, ապա մասնագետը **պարտավոր է**.

➔ Առաջարկել ընտրողին կրկին փորձել ներմուծել մատնահետքը:

Քվեարկության օրը կազմված լրացուցիչ ցուցակում ընդգրկված ընտրողներ

Լրացուցիչ ցուցակի ընտրողները մասնագետին են մոտենում ընտրողների գրանցումն իրականացնող հանձնաժողովի անդամի կողմից գրանցվելուց հետո միայն:

ՌԵՃԱՐԿՈՒԹՅՈՒՆ

Քվեարկության օրը կազմված լրացուցիչ ցուցակում ընդգրկվելու համար **ԸՆՏՐՈՂՆ** անձը հատատող փաստաթղթի հետ **պետք է ներկայացնի նաև ստորև նշված տեղեկանքը:**


N _____	
« _____ » _____ 20 _____ թ.	
Տ Ե Ղ Ե Կ Ա Ն Ք	
ՔՎԵԱՐԿՈՒԹՅԱՆ ՕՐԸ ԿԱԶՄՎՈՂ ԸՆՏՐՈՂՆԵՐԻ ԼՐԱՑՈՒՑԻՉ ՑՈՒՑԱԿՈՒՄ	
ԸՆԴԳՐԿՎԵԼՈՒ ՄԱՍԻՆ	

անունը, հայրանունը, ազգանունը	
Անձը հաստատող փաստաթուղթ _____	_____
	սերիա, համար
հաշվառված _____	_____
	հաշվառման վայրը
դուրս է մնացել թիվ _____ ընտրական տեղամասի ընտրողների ցուցակից:	
Հիմք ընդունելով Հայաստանի Հանրապետության ընտրական օրենսգրքի 14-րդ հոդվածի 2-րդ մասը՝	
_____ -ին	
անունը, հայրանունը, ազգանունը	
ընդգրկել _____ թիվ _____ ընտրական տեղամասի	_____
	նշվում է համայնքի անվանումը՝ ՏԻՄ ընտրության դեպքում
ընտրողների լրացուցիչ ցուցակում:	
Ներկայացվում է տեղամասային ընտրական հանձնաժողով:	
(լիազոր մարմնի համապատասխան ստորաբաժանման ղեկավարի անունը, ազգանունը)	(ստորագրություն)
Կ.Տ.	« _____ » _____ 20 _____ թվական

Խնդրեք տեղամասային ընտրական հանձնաժողովի նախագահին Ձեզ ցույց տալ նշված տեղեկանքը:

ՄԻԱՅՆ ՆՇՎԱԾ ՏԵՂԵԿԱՆՔԻ ԱՌԿԱՅՈՒԹՅԱՆ ԴԵՊՔՈՒՄ Է, ՈՐ ԸՆՏՐՈՂԻՆ ՊԵՏՔ Է ԳՐԱՆՑԵԼ ԼՐԱՑՈՒՑԻՉ ՑՈՒՑԱԿՈՒՄ:

- ☐ Մասնագետը լրացուցիչ ցուցակի ընտրողներին գրանցելու համար պետք է սեղմի գլխավոր էջի «Լրացուցիչ ցուցակ» կոճակը:



- ☐ Մասնագետը պետք է փաստաթուղթը ներմուծի սարքավորման: Եթե փաստաթուղթը սարքավորման մեջ ներմուծելու արդյունքում չի ընթերցվել կամ ներկայացված փաստաթուղթը չունի մեքենայացված ընթերցման համար նախատեսված գոտի, ապա մասնագետը պետք է փաստաթղթի տվյալները մուտքագրի ստեղծաշարի միջոցով՝ գլխավոր էկրանի վրա սեղմելով ստեղծաշարի նշանի վրա և փաստաթղթի համարը մուտքագրելուց հետո «ՓՆՏՐԵԼ» կոճակը, որից հետո հնարավոր է երկու արդյունք՝
- ☐ Ընտրողի տվյալները **չեն գտնվել** տվյալների բազայում, **միայն այս դեպքում է ընտրողը համարվում որպես լրացուցիչ ցուցակի ընտրող**:
- ☐ Ընտրողի տվյալները **գտնվել են** տվյալների բազայում:

Ընտրողի տվյալները գտնվել են տվյալների բազայում

Այս դեպքը նշանակում է, որ նրա տվյալները **սխալմամբ են ներմուծվել որպես լրացուցիչ ցուցակի ընտրող**: Նման ընտրողների դեպքում հնարավոր են հետևյալ չորս դեպքերը.

- ☐ **Կանաչ նշան՝** ընտրողն ընդգրկված է տվյալ ընտրական տեղամասի ընտրողների ցուցակում և կարող է գրանցվել:
- ☐ **Դեղին նշանը մեկ այլ ընտրական տեղամասի համարի և հասցեի հետ մեկտեղ՝** ընտրողն ընդգրկված չէ տվյալ ընտրական տեղամասի ընտրողների ցուցակում և սարքավորմանը հայտնի է, թե որ ընտրական տեղամասի ընտրող է:
- ☐ **Դեղին նշանը հետևյալ ծանուցման հետ մեկտեղ «Ընտրողը չի կարող գրանցվել այս փաստաթղթով, քանի որ դրա վավերականության ժամկետը լրացել է և նա ունի այլ՝ վավերականության ժամկետը չլրացած, անձը հաստատող փաստաթուղթ»՝** ընտրողը ներկայացրել է ժամկետանց անձը հաստատող փաստաթուղթ, մինչդեռ ունի մեկ այլ վավերական փաստաթուղթ:
- ☐ **Կարմիր նշան՝** ընտրողն արդեն գրանցված է եղել:

Ընտրողի տվյալները ՉԵՆ գտնվել տվյալների բազայում ԱՅՍ ԴԵՊՔՈՒՄ ԸՆՏՐՈՂԸ ԼՐԱՑՈՒՑԻՉ ՑՈՒՑԱԿԻ ԸՆՏՐՈՂ Է:

Ստուգելուց հետո, որ էկրանին հայտնված անձը հաստատող փաստաթղթի համարը ճիշտ է, մասնագետը պարտավոր է.

- ☐ Ստեղծաշարի միջոցով մուտքագրել ընտրողի հերթական համարը լրացուցիչ ցուցակում:

☐ Սեղմել «ՄՈՒՏՔԱԳՐԵԼ» կոճակը:

- ! Եթե տվյալ հերթական համարն արդեն մուտքագրվել է, էկրանին կհայտնվի այդ մասին հաղորդագրություն, և մասնագետը պետք է մուտքագրի ճիշտ հերթական համարը, որը մասնագետը ճշտում է լրացուցիչ ցուցակում ընտրողի գրանցումն իրականացնող հանձնաժողովի անդամից:

Մատնահետքի գրանցում և քվեարկության կտրոնի տպում


- Ճիշտ հերթական համարը մուտքագրելուց հետո, մասնագետը պարտավոր է.
 - Խնդրել ընտրողին դնել իր աջ ձեռքի ցուցամատը մատնահետքերի ընթերցման սկաների վրա՝ մատի բարձիկը դեպի ընթերցման սարքը:
 - Ընտրողի մատնահետքը ներմուծվում է տեխնիկական սարքավորման մեջ:
- ☐ Եթե տեխնիկական սարքավորումը ընդունում է մատնահետքի ընթերցման արդյունքները, ապա այն ավտոմատ կերպով տպում է քվեարկության կտրոնը, որում ընդգրկված են հետևյալ տեղեկությունները.

- ☐ Ընտրությունների անվանումը, ամսաթիվը:
- ☐ Ընտրական տեղամասի համարը:
- ☐ Քվեարկության կտրոնի տպման ժամը:
- ☐ Այն ցուցակի անվանումը, որում ընդգրկված է տվյալ ընտրողը:
- ☐ Ցուցակում ընտրողի հերթական համարը:
- ☐ Ընտրողի փաստաթղթի համարը:
- ☐ Տեխնիկական սարքավորման համարը և քվեարկության կտրոնի հերթական համարը տվյալ տեխնիկական սարքավորումում:

Ընտրողների մատնահետքի ներմուծման անհնարինություն

Ընտրողը մատնահետքի ընթերցման համար ներմուծում է իր աջ ձեռքի ցուցամատը: Եթե վերոնշյալն անհնար է ֆիզիկական պատճառներով, ապա մասնագետը սեղմում է «**ԲԱՑԱԿԱՅՈՒՄ Է**» կոճակը այն դեպքում, երբ նշված մատը բացակայում է, կամ «**ԱՆԸՆԹԵՌՆԵԼԻ**» կոճակը այն դեպքում, երբ սարքավորումը չի կարողանում ընթերցել մատնահետքերը: Աջ ձեռքի ցուցամատը ներմուծելու անհնարինության դեպքում մատնահետքերը ներմուծվում են հետևյալ առաջնայնությամբ՝ ձախ ձեռքի ցուցամատը, աջ ձեռքի միջնամատը, ձախ ձեռքի միջնամատը, աջ ձեռքի մատնեմատը, ձախ ձեռքի մատնեմատը, աջ ձեռքի ճկույթը, ձախ ձեռքի ճկույթը, աջ ձեռքի բթամատը, ձախ ձեռքի բթամատը:

Սարքավորումը հուշում է, թե որ մատն է անհրաժեշտ ներմուծել:



Այն դեպքում, երբ անհնար է իրականացնել որևէ մատնահետքի ընթերցում, այս քայլը բաց է թողնվում, և քվեարկության կտրոնն ավտոմատ կերպով տալվում է 10-րդ մատը բաց թողնելուց հետո:

- ! Եթե ընտրողը հրաժարվում է ներմուծել իր մատնահետքը, ապա մասնագետը տեղեկացնում է ընտրողին, որ նա այլ կերպ չի կարող գրանցվել: Եթե ընտրողը դարձյալ հրաժարվում է ներմուծել մատնահետքը, ապա մասնագետը սեղմում է «**ՉԵՂԱՐԿԵԼ**» կոճակը, անձը հաստատող փաստաթուղթը վերադարձնում ընտրողին և շարունակում սպասարկել մյուս ընտրողներին:

Քվեարկության կտրոնը ընտրողին տրամադրելը

Մասնագետը տեղեկացնում է ընտրողին, որ քվեարկության կտրոնը պետք է պահպանել մինչև քվեատուփին մոտենալը: 1000-ից ավելի ընտրող ունեցող ընտրական տեղամասում մասնագետը հուշում է ընտրողին, թե որ գրանցման սեղանին մոտենալ՝ հիմք ընդունելով քվեարկության կտրոնի վրա առկա ընտրողի հերթական համարը ցուցակում:

4

ՏԵՂԵԿԱՆՔՆԵՐ

Տեղամասում գրանցված ընտրողների բացակայությունը հավաստող տեղեկանքը


Տեղամասում գրանցված ընտրողների բացակայությունը հավաստող տեղեկանքը տպվում է նախքան քվեարկության մեկնարկը:

☐ Տեղեկանքը տրվում է հանձնաժողովի նախագահին:


Ավարտական տեղեկանք

Քվեարկության ավարտից և քվեատույի կնքումից հետո մասնագետը պարտավոր է.


- Սեղմել գլխավոր էջի տնակի տեսքով կոճակը:



- ☐ Սեղմել «**ՓԱԿԵԼ**» կոճակը:




- ☐ Էկրանին կհայտնվի հարց, թե արդյոք մասնագետը ցանկանում է ավարտել գրանցման գործընթացը և տպել ավարտական տեղեկանքը:




- ☐ Սեղմել «**ԱՅՈ**» միայն տեղամասային ընտրական հանձնաժողովի նախագահի հանձնարարությունը ստանալուց հետո:
- ☐ Սպասել մինչև սարքը կտպի ավարտական տեղեկանքը:
- ☐ Տպված ավարտական տեղեկանքը հանձնել տեղամասային ընտրական հանձնաժողովի նախագահին:

Եթե տեղամասային ընտրական հանձնաժողովի նախագահը հանձնարարում է մասնագետին տպել հավելյալ ավարտական տեղեկանքներ, ապա մասնագետը պարտավոր է.

- ☐ Սեղմել «ՀԱՇՎԵՏՎՈՒԹՅՈՒՆՆԵՐ» կոճակը:



- ☐ Ցանկից ընտրել անհրաժեշտ ավարտական տեղեկանքների քանակը:



- ☐ Սեղմել «ՏՊԵԼ» և սպասել մինչև սարքը կտպի տեղեկանքները:
- ☐ Տպված տեղեկանքները հանձնել տեղամասային ընտրական հանձնաժողովի նախագահին:
- ! **Փակման գործընթացը ՉԻ կարող իրականացվել քվեարկության օրը ժամը 20:00-ից շուտ:**

5

ԽՆԴԻՐՆԵՐ, ՈՐՈՆՔ ԿԱՐՈՂ ԵՆ ԸՆԴՀԱՏԵԼ ՏԵԽՆԻԿԱԿԱՆ ՍԱՐՔԱՎՈՐՄԱՆ ՄԻՋՈՑՈՎ ԸՆՏՐՈՂՆԵՐԻ ԳՐԱՆՑՄԱՆ ԳՈՐԾԸՆԹԱՅԸ


Քվեարկության օրը տարբեր խնդիրներ կարող են ընդհատել տեխնիկական սարքավորման աշխատանքը:

Այս բաժնում անդրադարձ է կատարվում է այն խնդիրներին, որոնք կարող են ընդհատել տեխնիկական սարքավորման աշխատանքը, ինչպես նաև բերվում են դրանց լուծման եղանակները:

ԱՄՍԱԹՎԻ ՀԵՏ ԿԱՊՎԱԾ ԽՆԴԻՐՆԵՐ

Քվեարկության նախորդ օրը մասնագետը տեխնիկական սարքավորումը միացնելուց հետո պարտավոր է ստուգել տեխնիկական սարքավորման **ԺԱՄԸ ԵՎ ԱՄՍԱԹՎԸ (օր, ամիս, տարեթիվ)**:

Ժամը և ամսաթիվը կարելի է տեսնել էկրանի ձախ անկյունում՝



Հնարավոր է, անհրաժեշտություն առաջանա ուղղել տեխնիկական սարքավորման ժամը կամ ամսաթիվը:

! Ուշադրություն

- ⇒ Մասնագետն անհապաղ կապ է հաստատում աջակցման կենտրոնի հետ, որպեսզի ստանա համապատասխան ԿՈԴ տեխնիկական սարքավորման ամսաթիվը կամ ժամն ուղղելու համար:
- ⇒ Մասնագետը պարտավոր է հետևել աջակցման կենտրոնի աշխատակցի հրահանգներին և դրանք ճշգրտորեն կատարել:

Ամսաթիվը և ժամը փոխելու համար մասնագետը պարտավոր է.

- ☐ Մուտքագրել աջակցման կենտրոնից ստացված ՀԱՏՈՒԿ ԿՈԴԸ հետևյալ դաշտում:

00:13
03.04.2017

1/10

Գրանցում

ՀԱՏՈՒՆԵՐԻ ԳՐԱՆՑՄԱՆ ՀԱՄԱԿԱՐԳ

Մուտքագրեք ստուգման, ակտիվացման կամ մասնագետի վեցանիշ կոդը

• • • • •

1 2 3
4 5 6
7 8 9
0 ⌫

16:41
27.02.2017

Տեխնիկական աջակցություն

15/02

Գրանցում


Հնտրողների գրանցման համակարգ

Գործողությունների պատմություն
Սարքի տեխզնևում
Ամսաթիվ և ժամանակ
Լեզու


- ☐ Ընտրել «Ամսաթիվ և ժամանակ» դաշտը:

Տեխնիկական սարքավորման էկրանին կհայտնվի հետևյալ պատուհանը:


- ! Ամսաթիվը փոխելու համար պետք է սեղմել «Սահմանել ամսաթիվ» կոճակը.
- ! Ժամը փոխելու համար պետք է սեղմել «Սահմանել ժամանակ» կոճակը.



⇒ Ընտրել տեխնիկական սարքավորման վրա սահմանվելիք ամսաթիվը, հետո սեղմել «Լավ» կոճակը



⇒ Ընտրել տեխնիկական սարքավորման վրա սահմանվելիք ժամը, հետո սեղմել «Լավ» կոճակը



Ուշադրություն

A – նշանակում է AM, 00:00-ից մինչև կեսօր՝ 12:59

P – նշանակում է PM, 12:00-ից մինչև կեսգիշեր՝ 23:59

Օրինակ՝


01 AM = 01:00

01 PM = 13:00

Քայլերը կատարելուց հետո համոզվել, որ էկրանին հայտնված ժամը և ամսաթիվը ճիշտ են (ի դեպ ժամը արդեն կցուցադրվի 24 ժամյա ռեժիմում:

Թղթի գլան

Տեխնիկական սարքավորման յուրաքանչյուր ճամպուրակ պարունակում է թղթի 4 գլան: Քվեարկության օրը սարքավորման մեջ տեղադրված թղթի գլանը կարող է վերջանալ կամ տպիչը կարող է խցանվել, երկու դեպքում էլ տեխնիկական սարքավորման վրա կհայտնվի հետևյալ էկրանը.



Թուղթը վերջացել է

Թղթի գլանի վերջին հատվածը նշված է կարմիր եզրագծով: Երբ վերոնշյալ էկրանի հետ մեկտեղ տպված կտրոնների կամ տեղեկանքների վրա սկսում է հայտնվել կարմիր գիծը, սա նշան է, որ սարքավորման տպիչում առկա թուղթը վերջանում է, այս դեպքում մասնագետը պարտավոր է.

- ☐ Դադարեցնել ընտրողների գրանցումը:
- ☐ Բացել տեխնիկական սարքավորման տպիչի խցիկի կափարիչը:
- ☐ Հեռացնել օգտագործված գլանը:
- ☐ Տեխնիկական սարքավորման ճամպուրակից հանել թղթի մի նոր գլան և տեղադրել տպիչում (գլանը պետք է դրվի այնպես, որ թուղթը դուրս գա սարքի տպիչի խցիկի կափարիչի ճեղքից):
- ☐ Փակել տպիչի խցիկի կափարիչը:
- ☐ Սեղմել էկրանին հայտնված «ԿՐԿԻՆ ՓՈՐՁԵԼ» կոճակը:

Թղթի խցանում

Թղթի խցանման դեպքում ևս կհայտնվի վերոնշյալ էկրանը: Այս դեպքում մասնագետը պարտավոր է.

- ☐ Բացել տեխնիկական սարքավորման տպիչի խցիկի կափարիչը:
- ☐ Համոզվել, որ թղթի գլանը պատշաճ ձևով տեղադրված է տպիչում:
- ☐ Դուրս քաշել թղթի գլանը 5 սանտիմետրով:
- ☐ Փակել տպիչի խցիկի կափարիչը:
- ☐ Կտրել դուրս քաշած թղթի ավելորդ հատվածը:
- ☐ Սեղմել էկրանին հայտնված «ԿՐԿԻՆ ՓՈՐՁԵԼ» կոճակը:

Հարկադրված քնի ռեժիմ

Հարկադրված քնի ռեժիմի դեպքում ընտրողների գրանցման գործընթացը կարող է ընդհատվել մինչև քվեարկության կտրոնի տպումը կամ տպման ընթացքում: Այս պարագայում մասնագետը պարտավոր է.

- ☐ Սեղմած պահել անջատիչը երկու (2) վայրկյան էկրանը միացնելու համար:
- ☐ Մուտքագրել մասնագետի վեցանիշ կոդը:
- ☐ Էկրանին կհայտնվի հարց, թե արդյոք մասնագետը ցանկանում է տպել վերջին գրանցված ընտրողի քվեարկության կտրոնը:

The screenshot shows a software interface for a voting system. At the top, there's a status bar with a clock (00:14), date (03.04.2017), a user icon labeled 'Օպերատոր', page number '1/10', a 'Գրանցում' (Registration) button, a checkmark icon, '100%' progress, and a menu icon. Below this, on the left, is a voter's profile card for 'ԱՆՈՆ ԼԵՈՆ' (Anon Leon), an 'ԱԶԳԱՆՈՒՆ ՊՈԼԻՍՅԱՆ' (Azgaganoun Polisyane) with ID '007303167' and 'ՑՈՒՑԱԿՈՒՄ ՀԱՄԱՐԸ' (Tsouttsakoum Hamar) '457'. To the right, text indicates the voter's registration is confirmed and a confirmation code '007303167' is shown. Below this, a question is posed: 'Ցանկանում ե՞ք տպել գրանցման կտրոնը?' (Do you want to print the registration slip?). Two buttons, 'ոՉ' (No) and 'ԱՅՈ' (Yes), are provided. A yellow warning box at the bottom left contains a triangle icon and the text 'Գրանցման գործընթացը ընդհատվել է:' (The registration process has been interrupted:).

- ☐ Մասնագետը պետք է սեղմի «ՈՉ», եթե մինչ գործընթացի ընդհատումը սարքը տպել էր քվեարկության կտրոնը: Այս դեպքում գրանցման գործընթացը կավարտվի և սարքի էկրանը կվերադառնա գլխավոր էջ:
- ☐ Մասնագետը պետք է սեղմի «ԱՅՈ», եթե մինչ գործընթացի ընդհատումը սարքը չէր տպել քվեարկության կտրոնը: «ԱՅՈ» կոճակը սեղմելուն պես սարքի վրա կհայտնվի տպման էկրանը, որը կթարթի, և սարքը կարձակի ծայնային ազդանշան (հինգ (5) վայրկյան): Վերջին գրանցված ընտրողի քվեարկության կտրոնը կտպվի՝ **վերևի հատվածում սև եզրագծով:**



Էլեկտրաէներգիայի անջատում

Մեկ տեխնիկական սարքավորում ունեցող ընտրական տեղամաս

Քվեարկության օրն էլեկտրաէներգիայի անջատման դեպքում անգամ մեկ տեխնիկական սարքավորում ունեցող ընտրական տեղամասերում տեխնիկական սարքավորման միջոցով գրանցման գործընթացը կշարունակվի սովորական կարգով, քանի որ տեխնիկական սարքավորումը կշարունակի աշխատել ներքին մարտկոցի հաշվին:

Ներքին մարտկոցը նախատեսված է մինչև 6 ժամ ինքնուրույն աշխատանքի համար առանց հոսանքի աղբյուրին միանալու, ինչպես նաև կարող է սպասման ռեժիմում աշխատել ավելի քան 24 ժամվա ընթացքում: Ամբողջությամբ լիցքաթափվելուց հետո մարտկոցը կարող է ամբողջությամբ վերալիցքավորվել 4-ից 5 ժամվա ընթացքում:

Մարտկոցի լիցքի մակարդակն իմանալու համար պետք է ստուգել տեխնիկական սարքավորման աջ կողմում վառվող լույսերը:

- ☐ Մարտկոցի լիցքավորման ընթացքում սարքավորման լուսային նշանները թարթելու են:
- ☐ Մարտկոցն ամբողջությամբ լիցքավորվելուց հետո սարքավորման աջ կողմում վառվող լույսերը կմարեն:
- ☐ Լիցքավորման ռեժիմից դուրս մարտկոցի լիցքի մակարդակն իմանալու համար պետք է սեղմել սարքավորման լուսային նշանների մոտ գտնվող մարտկոցի կոճակը:
- ☐ Լուսային նշան(ներ)ը վառվում է (են) հետևյալ կանոններով.
 - 1 լուսային նշան՝ 0%-ից 19% մարտկոցի լիցք
 - 2 լուսային նշան՝ 20%-ից 39% մարտկոցի լիցք
 - 3 լուսային նշան՝ 40%-ից 59% մարտկոցի լիցք
 - 4 լուսային նշան՝ 60%-ից 79% մարտկոցի լիցք
 - 5 լուսային նշան՝ 80%-ից 99% մարտկոցի լիցք



Ներքին ցանցի խափանում

Այս բաժինը վերաբերում է միայն մեկից ավելի տեխնիկական սարքավորումներ ունեցող ընտրական տեղամասերին:


Տեխնիկական սարքավորման էկրանին կարելի է տեսնել ցանցի նշանը:



Մեկից ավելի տեխնիկական սարքավորումներ ունեցող ընտրական տեղամասում այս նշանը ցուցադրում է, թե արդյոք տեխնիկական սարքավորումը միացված է ներքին ցանցին:

Ներքին ցանցի նշանը ուղեկցվում է կանաչ կամ կարմիր նշաններով.

- ☐ Կանաչ V-աձև նշան՝ սարքը միացված է ներքին ցանցին:



- ☐ Կարմիր բացականչական նշան՝ սարքը միացված չէ ներքին ցանցին:

! Ներքին ցանցի նշանը ուղեկցվում է կարմիր բացականչական նշանով մեկ տեխնիկական սարքավորում ունեցող ընտրական տեղամասերում, քանի որ տեղամասում մեկ սարքավորում լինելու դեպքում այն աշխատում է առանձին ռեժիմով:

Տեխնիկական սարքավորման և ռաուտերի միջև կապի խափանման դեպքում տվյալ տեխնիկական սարքավորումը կարգելափակվի և չի կարողանա գրանցել ընտրողներին:

Եթե կապի խափանման պատճառը ռաուտերն է, ոչ թե տեխնիկական սարքավորում(ներ)ը, ապա ընտրական տեղամասի բոլոր տեխնիկական սարքավորումները կարգելափակվեն, և տեխնիկական սարքավորման միջոցով գրանցման գործընթացն ամբողջությամբ կընդհատվի:

Երկու դեպքում էլ մասնագետը պարտավոր է.

- ☐ Ստուգել արդյոք ռաուտերը միացված է՝ ըստ լուսային ազդանշանների:
- ☐ Ստուգել արդյոք ցանցային լարերը միացված են երկու ծայրերից:

Եթե վերոնշյալ երկու ստուգումներից հետո էլ ներքին ցանցի աշխատանքը չի վերականգնվում, ապա մասնագետը պարտավոր է.

- ☐ Տեղեկացնել տեղամասային ընտրական հանձնաժողովի նախագահին:
- ☐ Զանգահարել տարածքային ընտրական հանձնաժողովի տեխնիկական աջակցության կենտրոն:
- ☐ Հետևել տեխնիկական աջակցության կենտրոնի աշխատակցի հրահանգներին:

Եթե ցանցի խափանում տեղի է ունեցել միայն որոշ տեխնիկական սարքավորումների հետ (ոչ բոլորի հետ), ապա ցանցային կապ ունեցող մյուս տեխնիկական սարքավորումները կարող են շարունակել ընտրողների գրանցման գործընթացը:

- !** Մասնագետները և տեղամասային ընտրական հանձնաժողովի անդամները պետք է զգուշությամբ վարվեն տեխնիկական սարքավորումների՝ հատկապես ռաուտերի, ցանցային լարերի և հոսանքի լարերի հետ: Եթե լարերը սխալմամբ անջատվեն, ապա դա կհանգեցնի տեխնիկական սարքավորման արգելափակմանը:

Տեխնիկական սարքավորումը չի միանում

Եթե տեխնիկական սարքավորման անջատիչն ավելի քան հինգ (5) վայրկյան սեղմած պահելուց հետո անջատիչի լուսային նշանը չի միանում, ապա մասնագետը պարտավոր է.

- ☐ Ստուգել մարտկոցի լիցքը՝ սեղմելով սարքավորման լուսային նշանների մոտ գտնվող մարտկոցի կոճակը:
- ☐ Եթե մարտկոցը լիցքավորման ընթացքում է, ապա ըստ ներքին մարտկոցի լիցքավորման մակարդակի թարթում են համապատասխան թվով լուսային նշաններ:
- ☐ Երբ մարտկոցն ամբողջությամբ լիցքաթափված է, մարտկոցի կոճակը սեղմելիս որևէ լուսային նշան չի վառվում:

- !** **Քվեարկության նախորդ օրը տեխնիկական սարքավորումը տեղադրելու պահից սկսած այն պետք է մշտապես միացված լինի հոսանքին մարտկոցի ամբողջական լիցքաթափումից խուսափելու համար:**

- ☐ Մարտկոցն ամբողջությամբ լիցքավորվելուց հետո կվառվեն սարքավորման բոլոր 5 լուսային նշանները:
- ☐ Ստուգել միացումները տեխնիկական սարքավորման, հոսանքի լարի, հոսանքի տատանումներից պաշտպանող սարքի և վարդակի միջև:
- ☐ Համոզվել, որ հոսանքի տատանումներից պաշտպանող սարքի վրա կանաչ լույս է վառվում: Եթե վառվում է դեղին լուսային նշանը, ապա նշանակում է, որ շուտով հոսանքի մատակարարումը կկայունանա և կվառվի կանաչ լույսը: Եթե վառվում է կարմիր լուսային նշան, ապա առկա է հոսանքի հետ կապված խնդիր:

Էկրանը չի աշխատում

Տեխնիկական սարքավորման էկրանը հպազգայուն է: Եթե էկրանին դիպչելիս կամ սեղմելիս արձագանք չի ստացվում, ապա մասնագետը կարող է փորձել հետևյալ լուծումները.

- ☐ Էկրանը մաքրել՝ օգտագործելով դրա համար նախատեսված կտորը:
- ☐ Էկրանն անջատել՝ սեղմած պահելով անջատիչը երկու (2) վայրկյան, իսկ այն կրկին միացնելու համար նույն կոճակը սեղմած պահել կրկին երկու (2) վայրկյան և ստուգել էկրանի աշխատանքը:
- ☐ Եթե էկրանը դեռևս չի արձագանքում, ապա պետք է վերագործարկել տեխնիկական սարքավորումը (սեղմած պահել սարքավորման անջատիչը (ոչ պակաս քան 5 վայրկյան) մինչև կհայտնվի էկրան «ԱՆՋԱՏԵԼ» և «REBOOT» կոճակներով, սեղմել «REBOOT» կոճակը) և կրկին ստուգել էկրանի աշխատանքը:

Կարող է պատահել նաև, որ 10 րոպեի ընթացքում էկրանին չդիպչելու դեպքում տեխնիկական սարքավորումն անցի քնի ռեժիմ: Նման իրավիճակում սարքավորումն ակտիվ ռեժիմ վերադարձնելու համար մասնագետը պետք է երկու (2) վայրկյան սեղմած պահի անջատիչը, այնուհետև էկրանը միանալուց հետո՝ մուտքագրի մասնագետի կողմ:

Մատնահետքերի ընթերցման սկաները չի աշխատում

Եթե մատնահետքերի ընթերցման սկաները չի գրանցում մատնահետքերը, ապա մասնագետը պարտավոր է՝

- ☐ Համոզվել, որ մատը դրված է կայուն դիրքում և սարքը հասցնում է ընթերցել ստացված պատկերը:
- ☐ Որոշ դեպքերում լավ պատկեր ստանալու համար անհրաժեշտ է մատն ավելի ամուր սեղմել սկաներին:
- ☐ Մատնահետքերի ընթերցման սկաների լուսային նշանները թարթում են ակտիվ ռեժիմում և ցույց են տալիս, որ սարքը կարելի է գործարկել:
- ☐ Եթե մատնահետքերի ընթերցման սկաները դեռևս չի արձագանքում, ապա պետք է վերագործարկել տեխնիկական սարքավորումը (սեղմած պահել սարքավորման անջատիչը (ոչ պակաս քան 5 վայրկյան) մինչև կհայտնվի էկրան «ԱՆՋԱՏԵԼ» և «REBOOT» կոճակներով, սեղմել «REBOOT» կոճակը) և կրկին ստուգել մատնահետքերի ընթերցման սկաները:

Տեխնիկական սարքավորման անսարքության դեպքում

Տեխնիկական սարքավորման հետ տեղի ունեցող ցանկացած անսարքություն, որը կհանգեցնի տեխնիկական սարքավորման միջոցով ընտրողների գրանցման գործընթացի դադարեցմանը, պետք է մասնագետի կողմից հաղորդվի տեղամասային ընտրական հանձնաժողովի նախագահին և տեխնիկական աջակցության կենտրոնի աշխատակցին:

Կապը տեխնիկական աջակցության կենտրոնի հետ

Եթե վերը նշված լուծումներից և ոչ մեկը չի օգնել լուծել առաջացած խնդիրը, կամ տեխնիկական սարքավորման աշխատանքն ընդհատել է որևէ այլ խնդիր, որը մասնագետը և հանձնաժողովի նախագահը չեն կարողացել լուծել, ապա տեխնիկական սարքավորման մասնագետի կողմից պետք է ձեռնարկվեն ներքոնշյալ քայլերը.

- ☐ Տեղեկացնել տեղամասային ընտրական հանձնաժողովի նախագահին առաջացած դեպքի մասին:
- ☐ Զանգահարել տարածքային ընտրական հանձնաժողովի տեխնիկական աջակցության կենտրոն:
- ☐ Հետևել տեխնիկական աջակցության կենտրոնի աշխատակցի հրահանգներին:


6

ՏԵԽՆԻԿԱԿԱՆ ՍԱՐՔԱՎՈՐՄԱՆ ԿՈՄՊԼԵԿՏԻ ԴԱՍԱՎՈՐՈՒՄ և ՎԵՐԱԴԱՐՁ

Տեխնիկական սարքավորման անջատում և դասավորում

Ավարտական տեղեկանքը տպելուց հետո մասնագետը պարտավոր է.

- ☐ Սեղմել սարքավորման վերևի աջ անկյունում գտնվող բացվող ցանկի կոճակը:



- ☐ Ընտրել «ԵԼՔ» տարբերակը:
- ☐ Սեղմել «ԱՅՈ» հաստատելու համար գործողությունը:
- ☐ Սեղմած պահել սարքավորման անջատիչը (ոչ պակաս քան 5 վայրկյան) մինչև կհայտնվի էկրան՝ «ԱՆՋԱՏԵԼ» և «REBOOT» կոճակներով:
- ☐ Սեղմել «ԱՆՋԱՏԵԼ» կոճակը:
- ☐ Անջատել UPS-ը (դրա առկայության դեպքում)՝ սեղմելով անջատիչը:
- ☐ Անջատել ռաուտերը (դրա առկայության դեպքում)՝ սեղմելով անջատիչը:
- ☐ Անջատել տեխնիկական սարքավորման(ների) հոսանքի լար(եր)ը:
- ☐ Անջատել ռաուտերի հոսանքի լարը և ցանցային լարերը (դրանց առկայության դեպքում):
- ☐ Անջատել UPS-ի (դրա առկայության դեպքում) հոսանքի լարը վարդակից:
- ☐ Տեղավորել տեխնիկական սարքավորում(ներ)ը և դրա(նց) հոսանքի լար(եր)ը ճամպրուկ(ներ)ում:

Տեխնիկական սարքավորման կոմպլեկտի վերադարձ

Մասնագետ(ներ)ի կողմից տեխնիկական սարքավորում(ներ)ը անջատելուց և ճամպրուկում համապատասխան բաղադրիչների հետ դասավորելուց հետո մասնագետը հանձնում է տեղամասային ընտրական հանձնաժողովի նախագահին և կարող է հեռանալ տեղամասային կենտրոնից:

Տեղամասային ընտրական հանձնաժողովի նախագահը տեխնիկական սարքավորում(ներ)ը և մյուս պարագաները ներկայացնում է տարածքային ընտրական հանձնաժողով:

ՀՀ ԱՆՁՆԱԳՐԻՆ ԿԱՄ ՆՈՒՅՆԱԿԱՆԱՑՄԱՆ ՔԱՐՏԻՆ ՓՈԽԱՐԻՆՈՂ ԺԱՄԱՆԱԿԱՎՈՐ ՓԱՍՏԱԹՂԹԻ (9-ՐԴ ՁԱ) ՆՄՈՒՇ՝ ՏՐՎԱԾ ՈՍՏԻԿԱՆՈՒԹՅԱՆ ԿՈՂՄԻՑ

Հավելված N 3
ՀՀ կառավարության 2012 թվականի
ապրիլի 5-ի N 411-Ն որոշման

(ՀՀ կառավարությանն առընթեր ՀՀ ռադիոկոմիտեի անձնագրային ծառայություն)

_____ 20 թ. 00015100

ԺԱՄԱՆԱԿԱՎՈՐ ՎԿԱՅԱԿԱՆ N _____

Քաղ. _____
(ամուլ, հայրանունը, ազգանունը)

_____ (ծննդյան օրը, ամիսը, տարեթիվը, վայրը)

_____ (համայնքի ծառայությունների համարանիշը)

Երվել է մույնականացման քաղաքի փոխանակման (կորստի, վաղեղակացման
ժամկետը լրանալու) կապակցությամբ կամ ազատագրված ղառապալատված անձի դիմումի
հիման վրա (ընդգծել)

_____ 20 թ.-ին:

 (լուսանկար)

Վկայականն ուժի մեջ է մինչև _____ 20 թ.

Անձնագրային ծառայության պետ _____
(ամուլ, ազգանունը) (ստորագրությունը)

(ՀՀ կառավարությանն առընթեր ՀՀ ռադիոկոմիտեի անձնագրային ծառայություն)

<< _____ >> (տրման ամիս) AP05500 _____ (դիմումի մուտքի համարը)

ԺԱՄԱՆԱԿԱՎՈՐԱԿԵՄ ՏՐՎՈՂ՝ ԱՆՁԸ (ԻՆՔՆՈՒԹՅՈՒՆԸ) ՀԱՍՏԱՏՈՂ ՓԱՍՏԱԹՂԹ՝

Քաղ. _____
(ամուլ, հայրանունը, ազգանունը)

_____ (ծննդյան օրը, ամիսը, տարեթիվը, վայրը)


_____ (մուշկաման հասցեն)

Տրվել է Հայաստանի Հանրապետության կառավարության 1998 թվականի
դեկտեմբերի 25-ի թիվ 821 որոշմամբ նախատեսված անձնագիրը կորցնելու
կամ փոխանակման ներկայացնելու կապակցությամբ անձի դիմումի հիման
վրա (ընդգծել):


Կ. Տ Փաստաթուղթն ուժի մեջ է մինչև << _____ >> _____ 20 թ.

Անձնագրային ծառայության պետ _____
(ամուլ, ազգանունը) (ստորագրությունը)

ՀՀ ՀԱՏՈՒԿ ԱՆՁՆԱԳՐԻ ՆՄՈՒՇ



ՀՀ ԿԱՑՈՒԹՅԱՆ ՎԿԱՅԱԿԱՆԻ ՆՄՈՒՇ



ՀՀ ԿՈՆՎԵՆՑԻՈՆ ՃԱՄՓՈՐԴԱԿԱՆ ՓԱՍՏԱԹՂԹԻ ՆՄՈՒՇ



ՌՈՒՍԱՍՏԱՆԻ ԴՇՆՈՒԹՅԱՆ ԱՆՁՆԱԳՐԻ ՆՄՈՒՇ (տվյալ համայնքի բնակչության պետական ռեգիստրում հաշվառման վերաբերյալ նշումով)



ՍՏՈՒԳՄԱՆ, ԱԿՏԻՎԱՑՄԱՆ և ՄԱՍՆԱԳԵՏԻ ԿՈԴԵՐ

Քվեարկության նախորդ օրը՝ մուտքագրել ստուգման վեցանիշ կոդը	111111
Քվեարկության օրը՝ սկզբից մուտքագրել ակտիվացման վեցանիշ կոդը	222222
Քվեարկության օրը, ակտիվացումից հետո՝ մուտքագրել մասնագետի վեցանիշ կոդը	առկա է մասնագետի կոդը պարունակող ծրարում